

民記小花扮「你想女友」 教「毒男」迷女仔



■梁志祥教送士多啤梨玫瑰花。



■謝偉銓親手整手工玫瑰花界太太。

特稿 反對派將所有事都政治化，故意挑起爭拗，搞到社會上意見不同者經常吵吵鬧鬧。噶日係一年一度嘅情人節，無論有冇另一半，輕鬆一下都無妨嘅。政界中人噶日就紛紛係fb發帖慶祝情人節。民建聯3位小花更專登拍短片，演繹大家理想中嘅女

朋友，係會喺情人節同你一齊食車仔麵，仲會買定禮物畀你。不過，民記都提醒，大家睇完片FF（幻想）吓就好啦，感情係需要雙方付出嘅，唔好旨意要女仔就晒你呀。

■香港文匯報記者 陳川

民建聯噶日喺fb上載咗由3小花——包括屯門社區主任賴嘉汶、葵青支部社區主任鄧麗玲，同東區區議員植潔鈴深情演繹「情人節快樂：你想的女朋友」短片。片中，賴嘉汶嘅「男友」食飯有訂位，佢就笑笑口同對方食車仔麵；鄧麗玲就同「男友」睇戲但對方遲到，好彩佢特登約早啲先睇得成戲；植潔鈴更主動買定禮物畀「男友」。

民建聯fb嘅帖文話：「如果你想試下（吓）情人節唔訂位、遲到或者兩手空空？除非你想變成「單身久」，否則我哋勸你都係睇完條片再FF兩分鐘好啦……祝大家情人節快樂！」

情人節，好多花店都開天價，民建聯新界西立法會議員梁志祥就教大家送士多啤

梨玫瑰花，「睇得又食得。」九龍西議員陳凱欣就拍片教大家用利是封摺玫瑰花。

柯創盛陪太太不忘工作

民建聯九龍東議員柯創盛就以一篇《一段25年的初心與堅守》嚟訴心聲：「作為工作狂的柯仔，（昨）晚上也暫且放下工作，和我家CEO（太太）吃飯慶祝拍拖18年兼結婚7週（周）年，之後再去文化中心看花燈，以及剛剛開放的星光大道巡視（始終不忘工作），享受一下拍拖的浪漫感覺。輕鬆了大約三小時後，再同CEO回地區，一起參與互委會的團拜活動。」

他笑說：「近年很多人都說服務社區要不忘初心，其實愛情同樣要不忘初心，只要牢記當初的感覺與承諾，又點會怕七年



■民建聯幾位社區主任搞咗個「溫馨Man大挑戰」，教「毒男」如何贏取女神嘅芳心。 短片截圖



植潔鈴主動送禮物畀「男友」。 短片截圖



柯創盛同太太參與互委會團拜。 短片截圖

之癢？」佢仲標註咗「男人背後的賢妻」、「只願一生愛一人」、「就算日子不好過，都有妳撐我」，又透露「我想下年同埋我們的寶貝一齊慶祝」、「這是我的願望也是堅持。」

民建聯中西區支部幾個社區主任，包括施永泰、莫淦森、張嘉恩、劉天正，就喺情人節模仿韓國綜藝節目Running Man，搞咗個「溫馨Man大挑戰」，教路：「要喺佳節前夕擺脫單身，不妨好似阿泰同阿森，做足準備熱好身，鼓起勇氣去贏取女神嘅芳心！」

陸頌雄：咪學「毒男」團

工聯會議員陸頌雄就喺fb分享咗唔少今年情人節嘅趣聞，包括日本「毒男」團體

趁住情人節示威，話情人節係「朱古力廠商嘅陰謀」，要「粉碎情人節」！「不過有人就潑冷水話：佢哋就係因為咁，先拍唔到拖囉……」

九龍東議員謝偉俊與「才女」白韻桀相戀30載，佢趁昨日喺fb放閃：「無論外界對我與白小姐關係有幾多評論同揣測，我地（哋）已經攜手近30載，一切盡在不言中。夫妻相處之道，在於互相支持、鼓勵，包容及珍惜對方。感謝沿途一直支持我地（哋）嘅您，祝大家生活甜甜蜜蜜，有情人終成眷屬。」

建築、測量及都市規劃界議員謝偉銓，就親手整手工玫瑰花畀太太，仲係帖文話：「感激但願意與我攜手一生」，相信謝太一定祿到爆啦。

梁美芬牛津演講 讚學生熟港情

香港文匯報訊（記者 鄭治祖）不少議員都在新春佳節與記者聚會，剛從英國返港的經民聯立法會議員梁美芬，昨日就與傳媒分享自己到牛津大學演講的經歷。雖然自己和學生的政治取向不盡相同，但她大讚學生有禮貌、問問題前「做晒功課」，一直認真討論香港應如何與中央政府、內地人民相處，發揮「一國兩制」最大作用。當日，她還帶了中文版及英文版基本法各3本送給學生，結果「供不應求」，可見年輕一代都很有興趣切實地了解香港和國家。

回應DQ禁「獨」情況

梁美芬是次到牛津大學演講，主題是「『一國兩制』下的香港管治與法

治」，除了講基本法的性質和制定過程及「一國兩制」的運作外，也回應了立法會議員被DQ、「港獨」組織被禁止運作等問題，向他們解釋保護國家主權完整和維護「一國兩制」的重要底線。

作為法律界人士，她亦回應了外界稱香港司法被「侵蝕」的抹黑，釐清了香港現時的司法狀況。

在談到與學生交流的經驗時，梁美芬指，部分學生是香港人，對香港政壇有一定認識，知道經民聯是第二大黨，有學生更是「做晒功課」，知道她曾參與學生會，並問她為何後來加入建制陣營。她一一解說了自己的理念和觀點，以及從政的心路歷程，並相信學生對社會也有一定抱負，並鼓勵他們加入建制

陣營。相比之下，這些學生對基本法的理解似乎較少。梁美芬指，部分香港學生原來從未讀過基本法的一手資料，自己除了即場送書，並鼓勵他們讀當年鄧小平關於設計「一國兩制」的3篇重要講話。

「一國兩制」須兩地互信

梁美芬認為，是次與牛津大學學生面對面交流獲益良多，學生反應也很正面，有助增加彼此了解對方的觀點。事實上，「一國兩制」的成功在於國家與香港人有互信的基礎，而社會人士和年輕人的溝通亦一樣，故應多了解年輕人的觀點，尋找更大共識。



■梁美芬（左二）與牛津大學學生交流。 梁美芬fb圖片

梁美芬是次英國之行亦有和英國國會議員會面，更談到脫歐問題。她指出，其實有不少人都不認同脫歐，其中倫敦更難以認同脫歐立場，但畢竟脫歐經公投決定，現在已經「騎虎難下」。



■劉國勳聯同一眾車主及法團代表前往地政處與地政專員會面。

後，業權將會分散，監察地契執行工作將會變得困難。他建議地政處應做好把關工作，杜絕分契情況出現。

他又要求政府做好監察角色，嚴格執行地契管理，如有任何違例情況，即時採取行動收回業權，確保屋苑設施能確切被居民所用。

他最後提醒，車位有限制使用的情況。現時屋苑業主立案法團已經研究採取措施，禁止非業戶經欣盛開口進入車場。若事件確認違反地契，車位有機會被收回，有意購買相關車位的市民需特別留意，以免蒙受不必要的損失。

■香港文匯報記者 陳川

劉國勳促地署阻欣盛賣車位

區區大事 近日，欣盛商場業主將欣盛苑停車場車位分拆，公開出售給非區內居民，令區內本來已經緊張的車位淪為炒賣工具，引來不少居民反對。民建聯立法會議員劉國勳昨日聯同一眾車主及法團代表前往地政處與地政專員會面，及要求政府介入，保障欣盛居民使用停車場的權利。

住戶車位不足涉違契

劉國勳指出，欣盛苑停車場目前有252個車位，而根據粉嶺上市地段第三十九號之內欣盛苑地契條款，欣盛苑須「提供不少於223個及不多於306個停車位以停泊其住戶及/或訪客的私家車輛」，若商場業主將車位分拆出售予非區內居民，就難以保證能夠提供足夠223個車位給業戶使用，將違反地契條款，且業權

一旦分散，地契管理將難以執行。

劉國勳在得知欣盛商場業主委託地產代理將車位分拆出售後一直與居民保持聯繫，並與居民聯署去信地政總署要求跟進事件。

他認為，現時粉嶺區內車位已漸見短缺，欣盛苑本身又有眾多住戶需要車位。今次的事件令區內居民可用車位大大減少，對他們的生活構成影響。

地政處在回應時強調，若停車場在分拆出售後不能提供至少223個車位予居民使用，即屬違反地契條款，地政處有權將該車位業權收回，又指現時正在研究停車場分拆出售會否影響執行地契的管理，若會影響管理，地政處將不會批准停車場業主進行分契。

業權分散難監察地契

不過，劉國勳認為一旦在分契完成

抹黑中聯辦食堂「無牌」「傘兵」葉錦龍出醜

求真 中聯辦主任王志民邀請包括反對派在內的全體立法會議員到中聯辦大樓內春茗團拜，惟反對派中人對這友誼之手毫不領情，更盡盡機會乘機抹黑中聯辦。同「議會陣線」議員區諾軒好friend嘅「西環飛躍動力」召集人葉錦龍，就係fb質疑中聯辦個食堂係「無牌食肆」。不過，有網民隨即打臉，話根據法例，「工作場所內專供受僱於該處的人使用的食堂」係唔需要擇食肆牌照嘅，大家千祈唔好跟車太貼咁話。

屈「特權」叫食環署調查

「傘兵」葉錦龍近日喺fb以「尋找中聯辦食堂的食物牌照」為題發帖，話

自己「想知道這個坐落於西環20年的神秘建築裡面嘅食肆有冇牌照」，「但查了一個朝早，無論我用『干諾道西160號』、『德輔道西』、『干諾道西』、『中聯辦』等等的關鍵字，去查找食環署的持牌食肆名單和其他相關列表，都是查無結果。」

他並引用基本法第二十二條第三款，「請問香港政府及中聯辦，相關處所所在的所有食堂、食肆及會提供熱食的宴會廳，有否根據香港特別行政區的《公眾衛生及市政條例》（第一百三十二章）、《食物業規例》（第一百三十三X章）第三十一（1）（b）條及第三十三C條，以及

其他有關法例，申請普通食肆和小食食肆牌照，以及暫准普通食肆和暫准

小食食肆牌照？」佢班friend當然好似執到寶咁興奮。「Ray Mysore」就留言話：「是否應該通知食環署跟進？」「Chiu Kai Wong」則倡議發揮：「食環會唔會秉公辦理先？」

專屬食堂免攤牌都唔知

不過，「Ka Sing Lo」就留言打臉：「佢地（哋）當系（係）私人地方！私人廚（廚）房，私人飯廳，招待私人朋友！不是營商，不用食環的餐館牌照！衣（嘅）家好多所謂『私房菜』都系（係）咁！」

「鄭家昇」就話：「其實如果成棟嘢係中聯辦嘅，而且只招待中聯辦同埋佢有關嘅訪客嘅，就可以唔駛（使）申請食物業牌照，唔係因為佢哋有特權，而

係跟（根）據Cap.132X，全港所有工作場所/學校內嘅食物店（工廠大廈除外，佢哋都要申請牌），只招待有關員工、學生、訪客嘅，都唔駛（使）申請牌做合法經營。切勿跟車太貼。」

葉錦龍就唔忿氣，駁嘴話：「不過商業樓宇明火煮食都係犯法。」鄭家昇就反駁：「唔關事，中聯辦嘅情況，除非開放公眾，如果唔係一定當非工廈工作場所計，呢啲地方唔駛（使）牌。正如以前巴士總站內嘅九巴員工飯堂咁，佢哋都係唔駛（使）牌嘅。」

「Leon Lai Cap」更引用相關法例的原文，其中講到明「食物業」一詞不包括任何農業活動、海陸空三軍機構內的食堂、學校內專供該校學生使用的食堂或工作場所內專供受僱於該處的人使用的食堂……」想玩抹黑，都唔該搞清楚先好講嘢嘅。

■香港文匯報記者 陳川

聶德權鄭泳舜跟「任何仁」學救人



■聶德權同Vincent遇到有市民暈低，好彩有「任何仁」教急救。

特稿 任何人都可以係「任何仁」，當然亦都包括政制及內地事務局局長聶德權，同埋民建聯立法會議員

鄭泳舜（Vincent）啦。有見近年有馬拉松跑手不適嘅事件出現，局長同Vincent最近一段跑步片，就即席示範點樣為不適昏迷嘅人急救，為大家臨開跑之前加多少少安全知識。

局長同Vincent日前相約練跑，為周日「渣打馬拉松2019」做最後準備，最新一條短片，講述兩人跑步期間遇到一個市民突然暈低，好彩有「任何仁」現身，教局長同Vincent進行急救。

局長喺度片段都交足戲，跟住「仁何仁」嘅口訣「左手、右手、直手擺喺心口」，用心外壓為昏迷者急救，段片仲教埋大家點用AED機，電擊昏迷者時仲要記得舉高雙手保護返自己。

由於只係模擬片段，片中嘅「昏迷者」當然醒返，「任何仁」仲鼓勵大家話：「個個人都可以係『任何仁』，你哋跑馬拉松都得，CPR（心外壓）一定難唔到你哋啦！」

■香港文匯報記者 鄭治祖

自己橫額自己補 郭玲麗無懼被鋸



■郭玲麗自己親手修補被破壞嘅橫額。

郭玲麗fb圖片

香港文匯報訊（記者 陳川）區選臨近，反對派中人開始小動作多多，其中一種就係破壞建制派嘅橫額。民建聯東北葵團隊、社區主任郭玲麗昨日喺fb上載咗兩張佢嘅橫額受到破壞，自己嗰度修補嘅照片，並喺帖文強調佢哋不畏強權、不畏地區惡勢力，決不會向惡勢力低頭，並強調會盡力做、不放棄，為大家服務，又感謝街坊嘅關心、支持與鼓勵。